


# Ann u ya eka dokodela



Namuntlha Ann wa vabya.

Ann u twa ku hisa.

U byela Bobo thedi ya yena u ri,  
"Ndza vabya. Ndzi twa ku hisa."





Manana wa Ann u yisa Ann  
eka dokodela. Manana u  
byela muongori leswaku Ann  
wa vabya.

"Ann u hisa ngopfu," ku vula  
manana.

Ku nga ri khale dokodela u  
vitana Ann.





"Avuxeni Ann, u titwa njhani?" ku vutisa dokodela.

Ann u hlamusela dokodela leswaku wa vabya. Dokodela u vula leswaku u ta kambela Ann.







"A hi voneni leswaku u na ntiko wo  
tanihi kwihi," ku vula dokodela.  
"Swi kahle, u na ntiko wa 25 wa  
tikilogiramu," ku vula dokodela.  
"A hi voneni leswaku u lehile ku

fika kwihi," ku vula dokodela.

"U lehile ku ringana 125 wa tisentimitara," ku vula dokodela.





Dokodela u twelela khwiri ra  
Ann.  
A swi nga vavi.



Dokodela a yingisela xifuva xa  
Ann.  
A swi nga vavi.



Dokodela u languta endzeni ka  
tindleve ta Ann.  
A swi nga vavi.

Dokodela u languta enon'wini  
wa Ann.  
A swi nga vavi.



Dokodela u byela Ann, "Wa vabya. U na mukhuhlwana. Ndzi fanele ku ku tlhava njhekixeni ndzi tlhela ndzi ku nyika na mirhi."


Dokodela a tlhava Ann  
njhekixeni. A swi vavanyana.

"Yoo!" ku cema Ann.





Yoo!



Kutani Ann u kombela dokodela  
leswaku a pfunu Bobo.  
"Dokodela, Bobo na yena wa  
vabya," Ann u hlamusela dokodela.  
"Yoo, Bobo, na wena wa vabya?" ku  
vutisa dokodela.  
Dokodela u yingisela xifuva xa  
Bobo. A swi nga vavi.

Kutani dokodela u bandicha nenge  
wa Bobo.

"Sweswi u ta titwa u antswa,"  
dokodela a byela Bobo.




Dokodela u nyikile Ann mirhi. Ann u fanele ku nwa xilepulana xin'we xa murhi kanharhu hi siku. U tlhela a nyika Ann lekere ra lolipopo.

"Ann, u nhwanyana loyi a nga riki na vutoya," ku vula dokodela.


"Inkomu dokodela," ku vula Ann.

"Dokodela, ndzi kombela leswaku mi nyika Bobo lolipopo."



"Ina!" ku vula dokodela.

Bobo a nga kuma  
tilolipopo timbirhi.



Mahlayisele ya thedi  
leyi vabyaka.



Xana thedi ya wena yi  
twa ku hisa?



Nyika thedi ya wena  
mirhi ya yona.



Hlayela thedi ya wena  
xitori.



Etlerisa thedi ya wena  
emubedweni.

Nyika thedi ya wena sopo.

Endlela thedi ya wena  
khadi ro navelela ku hola  
emavabyini.

Vukarha thedi ya wena.

# Migungiriko ya ku hlaya hi mitlawa



1

Languta swifaniso.

Byela munghana wa wena leswaku i xifaniso xih  
lexi faneleke ku va xo sungula, xa vumbirhi, xa  
vunharhu na xo hetelela. Hlamusela munghana  
wa wena xitori u tirhisa swifaniso.



2

Vulavula hi leswi landzelaka:

1. I yini vito ra xitori lexi?
2. Xana dokodela u endlile yini eka Ann?
3. Xana dokodela u endlile yini eka Bobo?



3 Encenyetani xitori.



4 Languta mipfumawulo leyi nga eka bokisi ro sungula. Lava mipfumawulo leyi fanka eka marito lama nga eka rixaxa rin'wana na rin'wana.

ch-	chela	chika	chava
rh	murhi	mirhi	rhuma
pf-	pfuna	pfuxa	pfula
mb-	mbilu	mbewu	mbuti
-mb-	nkumba	humba	rhumbi



5 Hetisa marito hi mipfumawulo leyi leswaku ya kota ku yelana na swifaniso.

ch

mb

rh

_ela	nko _e	mu _i	_ambu



6 Lava swivulwa exitorini leswi nga na swihikahato  
leswi landzelaka u tlhela u swi tsala ebukwini ya  
wena ya switoloveto.

Hiko • na xivutiso ?



7 Languta xifaniso.  
Tsala 2 wa swivulwa  
hi xifaniso.



8 Endlela Ann khadi ro n'wi navelela ku hatla  
a hola emavabyini.

Eka Ann

Hatla u hola emavabyini!

Ri huma eka

Dirowa xifaniso.

